

यहूदां चवःगु पौ

म्हसीका

थ्व पतिइ यहूदां थःत विश्वासी खः धकाः धयाजूपिं फताहा गुरूतपाखें बचय् जुइगु ख्याचवः बियातःगु दु। थ्व चिहाकःगु पतिइ यहूदां विश्वासीतय्त परमेश्वरं थः मनूतय्त बियादीगु विश्वासया नितिं ल्वा धकाः साहस बियातःगु दु। २ पत्रुस व थुकियागु खँ उर्थे उर्थे मिलय् जू।

धलः पौ

न्द्यखँ	१-२
फताहा गुरूतय्गु चालचलन, शिक्षा व विनाश	३-१६
क्वात्तुक विश्वास यायेगु इनाप	१७-२३
परमेश्वरयात तःधंकूगु	२४-२५

यहूदा

यहूदापाखें ज्वजलपा

१याकूबया किजा व येशू ख्रीष्टया दास यहूदापाखें परमेश्वरं सःतादी-पिन्त, परमेश्वर बाःनं माया याना तःपिन्त, अले येशू ख्रीष्टं बचय् याना तःपिन्त ज्वजलपा।

२छिमिके दया, माया व शान्ति अप्वः दयावने मा।*

मखुगु खँ स्यनिपिं

३यःपिं दाजुकिजापिं, जिं छिमित परमेश्वरं भी सकसितं इना बियादीगु मुक्तियागु खँ च्वयेगु मतिइ तयागु खः। अयनं आः छिमित परमेश्वरं बियादीगु सत्य खँय हे छिपिं क्वात्तुक च्वना च्वँ धकाः न्वायेगु हे जितः तसकं बांलाः ताल। ४न्हापा हे दोषी ठहरय् जूपिं गुम्हं गुम्हं मनूत छिमिगु पुचलय् मसीक दुहां वःगु दु। इमिसं परमेश्वरयात मानय् मयाः। वय्कलं बियादीगु दया मायायात इमिसं मभिंगु ज्याय् छयलाच्वंगु दु। अले येशू

ख्रीष्टयात छम्ह हे जक प्रभु व मालिक खः धकाः नं इमिसं मानय् मयाः।

५परमेश्वरं इस्राएलीतय्त मिश्र देशं लिगना हयादिल। अयनं लिपा वय्कः-यात विश्वास मयाःपिं मनूतय्त नाश यानादिल। थ्व खँ छिमिसं बांलाक सि हे स्यू। अथेसां छिमित थ्व खँ लुमंका बी मास्ति वल।* ६थःगु ज्या मयासे छँ त्वःता वःपिं स्वर्गदूततय्त दकलय् लिपा न्याय यानादीत वय्कलं गुब्सं मब्यनिकथं चिनाः खिउँथाय् कुनादिल। ७अथे हे सदोम व गमोरा अले वया जःखः च्वंगु शहरयापिन्सं छगूया ल्यू मेगु यायां घच्चाइपुगु व्यभिचारया ज्या याना हल। परमेश्वरं इमित गुबलें मसीगु मिइ तयाः नमुना दय्कादिल।*

८हानं अथे हे थज्याःपिन्सं म्हगसय् खन धकाः थःगु म्हयात अशुद्ध याइ। परमेश्वरयागु अधिकारयात मानय् याइ मखु, अले स्वर्गय् च्वंपिं ततःधंपिन्त क्वह्यंका जुइ। ९तःधंम्ह स्वर्गदूत मिखाएलं मोशायगु सीम्ह

सुनां यंकेगु धयागु खँय् शैतान नापं
ल्लापु जूबलय् वयात द्वपं बीत आँट
मयासें थुलि जक धाल — “परमेश्वरं
छन्त ब्वः बियादी।” * १० थुमिसं ला
थःम्हं हे मस्यूगु खँय् ब्वः बिया जुइ।
स्वभावं हे थुपिं पशुत थें खः। अले
थुकिं यानाः हे इपिं नाश जुया वनी।
११ इमित धिक्कार दु। इपिं कयिनयागु
लँय् जुल। धिबायागु नितिं इमिसं
बालामं थें मभिंगु ज्या याना जुल, अले
कोरह थें परमेश्वरयात मभिंकाः इपिं
नाश जुया वन। *

१२ थुपिं छिमिगु लय्ताः भ्वजय्
लुया वइगु फि खः। थुपिं थःत जक
भिंका जुइपिं खः। थुपिं फसं पुइके
यनिगु, लः मदुगु सुपाँय् खः। अले
फल सइ मखुगु निकः तक सी धुंकूगु,
हां निसें सी धुंकूगु सिमा खः। १३ थुपिं
समुद्रया ग्यानापुगु किसिद्वम्बः खः।
थुमिसं थःगु घच्चायापुगु ज्याखँ
समुद्र दासि वये थें यानाक्यनी। थुपिं
चाचाः हिलाच्वनिगु नगु खः। थुमिगु
नितिं सदांयात तसकं खिउँगु थाय्
दय्का तःगु दु।

१४ आदमया न्हय्यूगु पुस्ता लिपायाम्ह
हनोकं नं लिपा जुइगु थ्व हे खँ

धया वंगु खः — “सीका ति, द्वलंद्वः
पवित्रपिं स्वर्गदूततय्त ब्वनाः प्रभु
भायादी।” * १५ अले थज्याःपिं फुक्क
मनूतय्त न्याय यानादी। परमेश्वरयात
मानय् मयाइपिन्त, अले वय्कःयात
मभिंकाः पापी ज्या जक याना च्वपिं
फुक्कसितं दोषी ठहरय् यानाः सजाँय
बियादी।

१६ थुपिं गुब्सं लुमधनिपिं, मेपिनिगु
दोष जक माला जुइपिं, थःत यःथें
सना जुइपिं, तःधंछुना जुइपिं, व थःगु
ज्या तिप्यंकेत मेपिन्त ह्यय्कः जुइपिं
खः।

१७ यःपिं दाजुकिजापिं, भी प्रभु
येशू ख्रीष्टया प्रेरिततय्सं कनावंगु खँ
बांलाक लुमकि। १८ इमिसं छिमित
थथे धया वंगु खः — “दकलय्
लिपा छिमित हेस्याइपिं व थःत यःथें
याना जुइपिं मनूत वइ।” * १९ मिलय्
जुया च्वपिन्त फाइपिं थुपिं हे खः।
थुमिसं थःत यःथें याना जुइ। थुमिके
परमेश्वरयागु आत्मा दइ मखु।

२० यःपिं पासापिं, छिमिसं जक
परमेश्वरयात क्वात्तुक विश्वास याना
च्वँ, अले पवित्र आत्मायागु शक्तिं
सदां प्रार्थना याना च्वँ। २१ परमेश्वरयात

१:६ व्य ३४:६; दान १०:१३,२१; १२:१; प्रका १२:७; जक ३:२

१:११ गन्ती २२:१-३५; १६:१-३५; उत ४:३-८ १:१४ उत ५:१८,२१-२४

१:१८ २ पत्र ३:३

मानय् यायेगु गुबलें त्वःते मते। भी प्रभु येशू ख्रीष्ट भायाः छिमित दया यानाः अनन्त जीवन बियादीतिनि धकाः छिपिं पिया च्वँ।

२२दोमनय् लाना च्वंपिन्त दया या।
२३मिइ क्वब्वाय् त्यंपिन्त साला का।
पाप याइपिन्त नं दया या। अथेसां बांलाक होश या, थथे यायेबलय् छिमित हे पापयागु च्याः मथाये मा।

२४छिमित दोष मदय्काः परमेश्वरया न्ह्यःने हयादीम्ह भी प्रभुयागु नां सदां तःधना च्वने मा। थ्व हे प्रभुं छिमित पाप याके बी मखु। थ्व हे प्रभुं छिमित आनन्दं तयादी। २५येशू ख्रीष्ट पाखें भीत मुक्ति बियादीम्ह, छम्ह हे जक परमेश्वर सदां तःधना च्वने मा। अले फुक्क शक्ति, अधिकार नं वय्कःयाके हे सदां दयाच्वने मा। आमेन।